

社內觀禾

王啟輔

瓊州人靈山訓導

社內村庄古村深人更稀鷄聲啼夜月牛跡印
荒碕嫩荔千株密新苗百畝肥徘徊不忍去箕
踞綠陰圍

倉面晴嵐

黃河源

開建人合浦訓導

徑捷仙橋半里餘千峯萬壑遶村居落霞捲處
烟凝岱晚照收時月到墟小鳥聲傳濃綠裏微
風香送淺紅蕖不知不識蓬頭老含哺携孫學
釣魚

次韻上巳次日偕友人

東山寺見寄

林有聲

昨日流觴酒興闌
夢尋蝴蝶掩柴關
春光將逝畱殘局
勝地偏宜托遠山
理展携琴看鶴舞
邀朋扶杖伴僧閒
座中爲憶征人否
應計邊行尚未還

飲尊經閣

游名柱

臨川人戊戌進士合浦令

不是詩狂卽酒狂
經壇相對傲羲皇
湖山老却千秋夢
風月裝成百歲場
詞出無心誇妙句
花開別院送餘香
晚霞落鱗斟須滿
坐看流螢度

短牆

遊鴻飛亭

郭昌

河南進士
郡司理

遙看煙霧隔江湘別有亭臺在水央
沙磧一拳凝翠色漁燈數點映清光
心隨月挂征帆去雲逐鴻飛望裏翔
知己相携忘盛暑啣杯覓句釣磯旁

次韻題鴻飛亭

李陞高

四川人欽
營遊戎

偶於天外望飛鴻鴻自飛今天自空
水月有情常對照山花不約四時同
江間波浪翻樓閣海

上烟雲起颺風梵鼓數聲空谷應比丘靜對一
燈紅

再遊鴻飛亭

董爾性

河南人
州守

又得偷閑了靜緣
扳蘿踞石抱雲眠
坐聽鳥語音藏樹
極目濤飛光接天
野渡旁通沽酒舍
落花亂舞釣魚船
須臾月映江心豁
萬籟無聲境寂然

蜡月旣望重登六峯觀

林有聲

別來五載此重登
遠近諸峯擁翠迎
微霰點蒼苔

春欲動淡烟籠寺日初晴至高無上疑天墜萬
象空懸人境清瘦盡滿山窮樹木最憐疎影一
枝橫

元宵後三日讌三海巖

多弘安

阜城人
靈山令

雙鶴嶺頭雙鶴舞六峯觀上六峯開明珠

岩名
光

燦騰雲起銀燭燒殘待月來洞裏層巒疑海湧
壁間題句和新裁淵淵響應從何處石鼓聲傳
送客回

春日遊六峯

因遊三海通
天諸巖卽事

林有聲

公餘偶爾出郊行歷歷峯巒次第評石磴拂雲
畱客坐山花含笑向人迎泉疑勾漏遺丹井洞
豈諸天現化城靜裏乾坤何處得岩前草木自
葱菁

題海角亭

祖澤清

遼東人高
雷廉總鎮

亭空天更遠日落樹俱斜萬壑分淙出孤城委
曲遮月明浮素練花發映山家咫尺桃源在芄
芄桑與麻

宴恬波樓

徐化民

郊外春芳過八九試將半日放官閑一樓山色
有無際萬頃波光高下間月映前溪珠蕩漾燈
懸隔岸斗爛斑開襟謾道天涯遠疑與滕王閣
一般

午日宴雄鎮樓落成

潘拱宸

直隸人提標
右營參戎

蒲觴滿泛恣遨遊高逼雲霄萬象收四面青山
分近遠半空碧落任輕浮登臨不必誇龍嶺雅
集隨時勝庾樓政暇北窓常憇息天涯從此有
丹丘

雨中登恬波樓觀濤

屈大法

遼東人吳川參將

雨送秋聲急秋來酒一杯
片帆飛遠浦小艇渡
城隈樹杪潮邊出山頭浪重堆
暮雲籠古寺一望幾徘徊

海角亭落成

徐化民

六載經營未剪萊古規今始一登臺
幾灣森樹村莊出諸道喧聲郡國開
臨眺不禁遠近客歌
頌應有百千才更欣高閣文昌座
紫氣氤氲接上台

前題

田鍾雨

湖廣副榜
廉郡司馬

百廢年來俱待振日邊又見此亭新
萬家烟火疑無地千頃波濤幸有人
凭砌正堪籌遠畧臨流誰弗羨垂綸
仙蓬是處皆星聚把盞天涯應更親

重建海角亭

林有聲

修堤一望彩雲環登眺居然出世間
面面雪濤連碧落家家煙井繞城灣
文星光燦騰南國海若波恬映遠山
不是微臣偏好事欲畱古蹟看

環還

海角亭謁

文昌帝君和韻

田鍾雨

天際孤亭紫炁環由來奎壁耀人間
文星曲曲中流見慈筏盈盈帶水灣
四座永畱溪畔月當軒新設遠來山
登臨從古多陶適獨肅衣冠共
送還

閏七月既望恬波樓翫月

尹自選

東莞舉人
府學教授

疑是中秋夜登樓共舉杯
月從城堞出潮逐海